

NvK an Michael von Natz, Propst des Marienstifts zu Brixen. Er beauftragt ihn mit der Einsetzung der Barbara (Schöndorfer) als neuer Äbtissin im Kloster Sonnenburg. Bedingung sei, dass der Konvent zunächst gemäß seiner vorherigen Instruktionen absolviert werde und Barbara ihm den Treueid leiste. Die Einsegnung der neuen Äbtissin behält er sich persönlich vor.

Or., Perg. (oblonges Kardinalsiegel an Hanfschnur): INNSBRUCK, TLA, Stift Sonnenburg, Urk. 100. Auf der Plika:

Ad mandatum prefati r^{mi} domini cardinalis. H. Pomert¹⁾ subscripsit etc. Schreiber: Peter von Erkelenz.

Regest (W. Putsch, 16. Jh.): INNSBRUCK, TLA, Rep. VI p. 992f.

Ern.: Jäger, Streit I 314; Meuthen, Die letzten Jahre 163 Anm. 5; Boockmann, Laurentius Blumenau 166.

Nicolaus miseracione divina tituli sancti Petri ad vincula sacrosancte Romane ecclesie presbiter cardinalis et episcopus Brixinensis venerabili nobis fideli et devoto dilecto Michaeli de Natz, preposito ecclesie beate Marie virginis Brixinensis, in domino salutem. Intellecto pridem per nos, quomodo religiosa domina Barbara²⁾, professa monasterii sanctemonialium Montis monialium Salzburgensis ordinis sancti Benedicti 5 ad nostram pervenit diocesim ea intencione, ut in monasterio Sunnenburg dicti ordinis nostre diocesis in regulari observancia fructificare possit, quodque eciam ipsa per illustrem principem dominum Sigismundum Austrie etc. ducem tamquam honesta et discreta ac de observancia vite regularis dicti ordinis nobis iuxta tenorem ultimo in negocio illo concordatorum pro quiete et reformatione dicti monasterii Sunnenburg 10 captanda et facienda³⁾, hac vice in abbatissam prefati monasterii Sunnenburg debeat nominari, nos, qui iam multis annis gravibus laboribus et expensis pro utilitate et reformatione dicti monasterii Sunnenburg sollicitudines nostras impendimus, licet ante hec tempora et circa quadragesimam proximo futuram ad ipsam nostram diocesim reverti et negocium illud iuxta concordata expedire velle deliberassemus⁴⁾, tamen ex 15 commissione legacionis alme Urbis et parcium adiacencium nobis per sanctissimum dominum nostrum papam facte⁵⁾ ad prefixum terminum venire nequimus. Sed ne rei huius expedicio in longum protrahatur, discrecioni vestre, de qua in hiis et aliis plenam in domino gerimus fiduciam, harum serie vices nostras facti huius committimus, ita ut, postquam conventus in Sunnenburg a vobis iuxta priores nostras litteras⁶⁾ absolucionis 20 beneficium habere meruerit et ea completa fuerit, de quibus reverendo patri domino Georgio episcopo Tridentino eciam scripsimus⁷⁾, atque de hiis vobis legitime constiterit, vos prefatam dominam Barbaram, si vobis nomine dicti domini ducis pro abbatissa in Sunnenburg instituenda nominata fuerit et ipsam ydoneam ac ad observanciam ipsius regule sancti Benedicti iuxta continenciam carte abbatum⁸⁾ aptam et voluntariam 25 inveneritis, recepto super hoc ac de obediencia et fidelitate nobis et successoribus nostris episcopis Brixinensibus pro tempore per ipsam prestandis quodque eciam ipsa annis singulis in nostra aut commissariorum nostrorum vel successorum eorundem presencia rationem de dicto monasterio Sunnenburg et ipsius fructuum administratione fideliter faciet, prout eciam Verena Stuberin, olim abbatissa, ibidem iurasse dino- 30 scitur⁹⁾, ab eadem domina Barbara iuramento corporali in dei nomine in abbatissam dicti monasterii in Sunnenburg nostri nomine admittatis, et eciam confirmetis eandem, munus vero benedictionis ipsi domine Barbare impendendum nobis expresse reservando. In quorum testimonium has nostras litteras fieri et per secretarium nostrum

35 subscribi nostrique sigilli iussimus et fecimus appensione communiri. Datum Rome in domibus nostre solite residencie sub anno a nativitate domini millesimo quadringentesimo quinquagesimo octavo, indictione sexta, die vero mercurii, vicesima mensis decembris, pontificatus sanctissimi in Christo patris et domini nostri, domini Pii divina providencia pape secundi anno primo.

1) *Heinrich Pomert, Sekretär des NvK.*

2) *Barbara Schöndorfer aus den Benediktinerinnenkloster Nonnberg in Salzburg; s.o. Nr. 3824 Anm. 14. Zu ihrer Einsetzung in Sonnenburg s. Nr. 5908.*

3) *S.o. Nr. 5725 (1458 August 28).*

4) *Vgl. oben Nr. 5790 Z. 22*

5) *Die Ernennung zum Legatus urbis erfolgte am 11. Dezember 1458; s.o. Nr. 5804.*

6) *S.o. Nr. 5770 (1458 Oktober 17).*

7) *Das Schreiben an B. Georg Hack von Trient ist nicht erhalten. Darin dürfte NvK den Auftrag zur Vermittlung erteilt haben, auf den sich Johann von Sulzbach in Nr. 5844 bezieht.*

8) *Die Reformcharta vom 4. März 1455; s.o. Nr. 4248.*

9) *Die jährliche Rechenschaftspflicht über die Klostertemporalien entspricht der Reformcharta Nr. 4248, wurde jedoch von Verena von Stuben bestritten.*